

R55
876

1521.

15

Ⓕ ΛΙΤΑΝΕΙΑ

GERMANORVM.

ALITANIA

GERMANORVM

SS-16. Jh.

R 55/876

Hz



Αἰτανεῖα, hoc est supplicatio ad deum Opti.
Max. pro Germania, habita in celebri
quadam Germaniæ urbe, in die
Cinerum.

κύριε ἐλέησον. χριστέ ἐλέησον. κύριε ἐλέησον.

Christe audi Germanos.

Christe exaudi Germanos.

Pater de caelis deus, Miserere Germanorum.

Fili redemptor mundi deus, Miserere Germanorum.

Spiritus sancte deus, Miserere Germanorum.

Sancta trinitas unus deus, Miserere Germanorum.

Sancta Maria, Ora pro Germanis.

Sancta dei genitrix, ora pro Germanis.

Sancta uirgo uirginum, ora pro Germanis.

Sancte Michael, ora pro Germanis.

Sancte Gabriel, ora pro Germanis.

Sancte Raphael, ora pro Germanis.

Omnes sancti Angeli & Archangeli, orate pro

Germanis.

Omnes sancti beatorum spirituum ordines, ora

te pro Germanis.

Sancte Ioannes Baptista, ora pro Germanis.

Omnes sancti Patriarchæ & Prophetæ, orate

pro Germanis.

Sancte Petre, ora pro Germanis.

Sancte Paule, ora pro Germanis.

Sancte Andrea, ora pro Germanis.

A ij

Sancte Iacobe,	ora pro Germanis.
Sancte Ioannes,	ora pro Germanis.
Sancte Thoma (Didymum puta, non Aquinas tem)	ora pro Germanis.
Sancte Iacobe,	ora pro Germanis.
Sancte Philippe,	ora pro Germanis.
Sancte Bartholomee,	ora pro Germanis.
Sancte Matthæe,	ora pro Germanis.
Sancte Simon,	ora pro Germanis.
Sancte Thadæe,	ora pro Germanis.
Sancte Matthia,	ora pro Germanis.
Sancte Barnaba,	ora pro Germanis.
Sancte Luca,	ora pro Germanis.
Sancte Marce,	ora pro Germanis.
Omnes sancti Apostoli, & Euangelistæ,	orate pro Germanis.
Omnes sancti discipuli dñi,	orate pro Germanis.
Omnes sancti innocentes,	orate pro Germanis.
Sancte Stephane,	ora pro Germanis.
Sancte Laurenti,	ora pro Germanis.
Sancte Vincenti,	ora pro Germanis.
Sancte Fabiane,	ora pro Germanis.
Sancte Sebastiane,	ora pro Germanis.
Sancte Blasi,	ora pro Germanis.
Sancti Ioannes & Paule,	orate pro Germanis.
Sancti Cosma et Damiane,	orate pro Germanis.
Sancti Geruali & Prothasi,	orate pro Germanis.
Omnes sancti Martyres,	orate pro Germanis.

Sancte Syluester, ora pro Germanis.
 Sancte Gregori, ora pro Germanis.
 Sancte Martine, ora pro Germanis.
 Sancte Augustine, ora pro Germanis.
 Sancte Ambrosi, ora pro Germanis.
 Sancte Hieronyme, ora pro Germanis.
 Sancte Nicolae, ora pro Germanis.
 Sancte Ludouice, ora pro Germanis.
 Sancte Iuliane, ora pro Germanis.
 Omnes sancti pontifices & cōfessores, (quorum
 utrorūq; perpauca fuerunt) orate pro Germa.
 Omnes sancti doctores (per hoc quod dicit san-
 cti, excipiuntur M. N. Theologistæ) orate
 pro Germanis.
 Sancte Benedicte, ora pro Germanis.
 Sancte Francisce, ora pro imitatoribus tuis, ne
 omnia dente Theonino arrodant.
 Sancte Anthoni, ora pro Germanis.
 Sancte Dominice, ora pro omnibus monachis
 tuis, præcipue pro Hochstrato, hæreticę prauis-
 tatis inquisitore, & Syluestro Prierate summi
 pontificis adulate subtilissimo.
 Omnes sancti Monachi (excipiuntur autem pes-
 stilentes, quorum iam infinitus est numerus) &
 Heremitæ, orate pro Germanis.
 Omnes sancti sacerdotes & leuitæ (& horum ho-
 die uix unus, aut alter reperiuntur) orate pro
 Germanis.

Sancta maria Magdalena,	ora pro Germanis.
Sancta Agnes,	ora pro Germanis.
Sancta Lucia,	ora pro Germanis.
Sancta Cecilia,	ora pro Germanis.
Sancta Agatha,	ora pro Germanis.
Sancta Catharina,	ora pro Germanis.
Sancta Clara,	ora pro Germanis.
Sancta Helisabet,	ora pro Germanis.
Omnes sanctæ uirgines & uiduæ,	orate pro Ger manis.

O M N E S S A N C T I E T S A N
C T A E D E I, I N T E R C E D I
T E P R O G E R M A N I S.

Propitius esto, parce Germanis domine.
 Propitius esto, exaudi Germanos domine.
 Ab omni malo, libera Germanos domine.
 Ab omni peccato, libera Germanos domine.
 Ab ira tua, libera Germanos domine.
 A subitanea & improuisa morte, libera Germa
nos domine.
 A Romanorum pontificum tyrannide, libera ger
manos domine.
 Ab insidijs diaboli & Romanorum, libera Ger
manos domine.
 Ab ira, & odio, & omni mala uoluntate, libera
Aleandrum domine.

Ab indulgētijs pontificijs, libera germanos dñe.
Ab omni superstitione & cęemonijs monachorum, libera germanos domine.

A Curtisanis iniquis, purga Germaniã domine.

A spiritu fornicationis, libera Romanos domine.

A fulgure & tempestate, libera germanos dñe.

A morte perpetua, libera germanos domine.

A pseudoprophetis (qui & pseudotheologi uocantur) libera germanos domine.

Ab his, qui ad nos in uestibus ouium ueniunt (intus uero sunt lupi rapaces, ganeones, intus etiã & in cute nebulones) libera germanos domine.

A terrificis pontificum bombis, bullis, ac fulminibus, protege germanos domine.

Ab insatiabili Romanorum auaritia, claudite germani oculos, & aperite oculos.

Per deum uiuentem, Alexander non habet bonam mentem.

A Sophistarum cauillationibus, auerte aures nostras domine.

Ab omni doctrina impia & hæretica, purga scholas domine.

A quæstionibus impijs, arce Theologos dñe.

Ab omni suspitione mala de Luthero, libera animos principum domine.

Ab omni barbarie, libera ludos literarios dñe.

A iugo seruitutis Romanę, libera ceruices germanorum domine.

A pallijs e Roma redimēdis, libera Episcopos no
stros domine.

Ab Annatis, libera germaniam domine.

A omni mania, libera Aleandrum domine.

A malis & peruersis consultoribus, libera Caro
lum domine.

Per mysterium sanctę incarnationis tuę, libera
Germanos domine.

Per aduentum tuum, libera germanos domine.

Per natiuitatem tuam, libera germanos domine.

Per Baptismum & sanctum ieiunium tuum, libe
ra Germanos domine.

Per crucē & passionē tuam, libera germanos dñe

Per mortem & sepulturam tuam, libera Germa
nos domine.

Per sanctam resurrectionem tuam, libera Germa
nos domine.

Per admirabilem ascensionem tuam, libera Ger
manos domine.

Per aduentum spiritus sancti paracleti, libera Ger
manos domine.

I N D I E I V D I C I I, L I B E R A
G E R M A N O S D O M I N E.

GERMANI, Te rogamus audi nos.

Vt Germanis parcas, Te rogamus audi nos.

Vt Germanis indulgeas, te rogamus audi nos.

Vt Germanos ad ueram pœnitentiam perducere
digneris, te rogamus audi nos.

Vt ecclesiam tuam sanctam (non fututā illam Romanorum) regere & conseruare digneris, te rogamus audinos.

Vt dominum Apostolicum (non dominū orbis terrarū) & omnes ecclesiasticos ordines (quorum hoc tēpore adeo nulli sunt, ut qui aut quales fuerint ordines ecclesiastici apud ueteres, ferme prorsus nesciatur) in sancta religione cōseruare digneris, te rogamus audinos.

Vt reipub. & Principibus Christianis pacem & ueram concordiam, donare digneris, te rogamus audinos.

Vt germanos in tuo sancto seruitio confortare, & conseruare digneris, te rogamus audinos.

Vt mentes germanorum ad coelestia desideria erigas, te rogamus audinos.

Vt Martinum Lutherum Christianæ fidei colūnam indeñcibilem, breui VVormaciam uenturū, ab omni ueneno, & offis Venetianis, custodire & cōseruare digneris, te rogamus audinos.

Vt animas quas theologi scholastici per suas impias conciones seduxerunt, ab inferis denuo redimere digneris, te rogamus audinos.

Vt Theologos scholasticos ad agnitionem ueri dei, instigare digneris, te rogamus audinos.

Vt Theologos scholasticos, qui haectenus a uia ueritatis aberrarunt, in uiam rectam reducere digneris, te rogamus audinos.

B

Vt impios illos Theologos e medio tollere digneris, te rogamus audi nos.

Vt cōcionatores docētes quæ non oportet, e suggestu p̄cipitare digneris, te rogamus audi nos.

Vt Leonis decimi P. M. ferociam compescere digneris, te rogamus audi nos.

Vt strenuum illum Germaniæ equitem Vlrichū Huttenum M. Lutheri Pyladem, in suo bono proposito, ac prouincia pro M. Luthero suscepta perseverare facias, te rogamus audi nos.

Vt Cōfessorem regis Caroli, non ualde bene de M. Luthero sentientem, melius erudire digneris, te rogamus audi nos.

Vt te ipsum Christe Iesu semel crucifixum, non de nouo crucifigi patiaris ab hoībus impie Christianis, te rogamus audi nos.

Vt ædes quorundam Theologorum prostibula meretricum igni succendere digneris, te rogamus, te rogamus audi nos.

Vt sacerdotibus concubinarijs rursū (ut olim) uxores impune cōcedere digneris, te rogamus audi nos.

Vt Aleandrum helleboro purgare digneris, te rogamus audi nos.

Vt nuntios Apostolicos a tergo, coram, a latere, & a postica, contra M. Lutherum iniuste agentes principibus VVormaciæ, de cœlo tangere digneris, te rogamus audi nos.

Vt M. Lutherum semel sine causa, nec dum auditum, damnatum tamen, rursus in animis piorum uiuificare digneris, te rogamus audi nos.

Vt Principibus Germanis iam VVormaciæ cōgregatis gratiam, pacem, & misericordiam tuā tribuere digneris, te rogamus audi nos.

Vt Carolum per ætatem nondum res arduas fidei intelligentem, a præcipiti iudicio conseruare digneris, te rogamus audi nos.

Vt omnibus benefactoribus nostris sempiterna bona retribuas, te rogamus audi nos.

Vt animas Germanorum ab æterna damnatione eripias, te rogamus audi nos.

Vt Itali, Lombardi, & Romani, te deum uerum esse credant, te rogamus audi nos.

Vt fructus terræ dare & conseruare digneris, te rogamus audi nos.

Vt omnibus fidelibus defunctis, requiem æternā donare digneris, te rogamus audi nos.

**VT GERMANOS EXAUDI
RE DIGNERIS, TE RO-
GAMVS AVDI NOS.**

FILI DEI, Te rogamus audi nos.

Agnus dei qui tollis peccata mundi, parce Germanis domine.

Agnus dei qui tollis peccata mundi, exaudi Germanos domine.

Agnus dei qui tollis peccata mundi, miserere Germanorum.

CHRISTE AVDI GERMANOS.
CHRISTE EXAVDI GERMANOS.

κύριε ἐλεήσον. χριστὲ ἐλεήσον. κύριε ἐλεήσον.

Pater noster. ⁊. Et ne nos inducas in tentationē.

P S A L M V S.

Deus in adiutorium Germanorum intende,
Domine ad adiuuandum eos festina.

Confundantur & reuereantur, qui quæerunt animas Germanorum.

Conuertantur retrorsum & erubescant, qui uolunt eis male.

Auertant statim erubescētes, qui dicunt εὕγε εὕγε.

Exultent & letentur omnes Germani, quicumque quæerunt Iesum Christum filiū dei uiui, & dicant semper, magnificetur Iesus, qui diligunt salutare domini, & libertatem Germaniæ.

Lutherus uero egenus & pauper est, deus adiuua eum.

Adiutor Germanorum & liberator Germanorum es tu, domine deus ne moreris.

Gloria sit deo patri, & filio, & spiritui sancto &c.

P R E C E S.

Saluos fac Germanos seruos tuos, Deus meus sperantes in te.

Esto Germanis domine turris fortitudinis, A facie Romani inimici.

Nihil proficiat inimicus Romanus in Germania,
Et filius iniquitatis nō conet nocere Germanis.

Domine non secundum peccata nostra facias nobis,
Nec secundum iniquitates nostras retribuas nobis.

Orent Romani pro Papa suo,
Dominus precipitet eum de cathedra pestilentie,
& cōterat caput eius, & qui seipsum fecit deum orbis terrarum, sit alibi diabolus diabolorum in eternum. Amen.

Saluos fac Germanos tuos, Deus meus sperantes in te.

Mitte eis domine auxilium de sancto, Et de syon tuere eos,

Domine exaudi orationem meam, Et clamor meus ad te ueniat.

ORATIO PRO ROMANA
ECCLESIA. Oremus.

Deus cui proprium est misereri semper & parcere, suscipe deprecationē nostram, & exaudi nos Germanos, pro Romanorū salute te suppliciter deprecantes, ut corda eorum illumines, cecitatem & ignorantiam ab eis auferas, ut perpetuas future uitæ poenas esse credant, sese in tanto luxu & fastu doctrinæ tuæ Euangelicæ contrario minime salu-


uari posse sciant, teq̄ feruentius colant, ueneren-
tur & ament. & ut id cōmodius possint, expelle
& eradica ab eis funditus scelera, flagitia, fraudes,
dolos, impietates, abominationes, hæreses, blas-
phemias, execrandam auaritiam, innaturalissimā
libidinem, ambitionem, symoniam, cecam cupidi-
tatem, qua omnem nationem quæ sub coelo est, li-
benter emulgerent, & euisceraret. Vt tandem eos-
rum tyrannis per tot tempora in nos sequita, ac in
omnes terras & populos emanata cesset & intere-
at. Sicq̄ tandem tibi reconciliati, Germanis omni-
bus pie id precantibus, te uerum crucifixum Ie-
sum Christum agnoscant & sequant̄, quo cogni-
to sempiterno tui sacratissimi uultus gaudio poti-
ri per infinita secula mereant̄, per eundē dominū.

Oratio pro Cārolo Imperatore.

Omnipotens & misericors deus, largire Caro-
lo Imperatori nostro gratiā, ut sua censura (semo-
ta procul Romanorū omniū, & Cardinaliū adu-
latione & persuasione) incontinentiā & uanitatē
luxumq̄ & libidinem in Ecclesiam effusam ad ho-
norem tuū, & utilitatē ecclesiasticę dignitatis, inq̄
emolumentū Christianorū in te pie credentiū des-
ponat & auferat, ut ecclesia tua per tot secula mise-
re collapsa, priscum bene uiuendi exemplar resus-
mat. Per dominum nostrum Iesum &c.


τέλος τοῖς λιτανείαις





2

2



April 1909.

1521.

Colletia Wespehiana
(Osw. Wergel) Kd. N. F. 138 (1909)

Nr 299.

Panzee IX, 129, 205.

Botkin II. 7.53. CCXXX.

Indig lib. nos. Hatten 7.49.

Nicht bei Knaacke u. Kueppen 163

VO 16 zu 25246

Gos: RA002558

